

# OMUKWETU

No. 19

Registered at the GPO as a Newspaper

15c

## OMBELEWA YAAUDIO-VISUAL MONANDJOKWE

Okwa valwa muKuzimogona eti 17 momumvo 1957. A valwa mOnakayale mOmbalantu. Okwa sikola osikola yaanona pOnakayale. Okwa piti ositanda ontintano 1977, nokwa ka tsikila osikola yUtekuligumbo kEngela momumvo 1978. Nguka ta popiwa mpaka oye Ndapeua Mupopya ngoka ta longo ngashingeyi mombeleva ya Audio-Visual mOnandjokwe.

"lilonga onde yi tameke 1978 kEngela". Momumvo 1979 ombelewa ndjika oya tembukile kosentrum yaagundjuka kOngwediva. Nuumvo oya tembukile kOnandjokwe. Ngoka wa hala oku yi talela po yi tsa megumbo lyameme Raija Salmi nale. Ombelewa ndjika kOngwediva oya tembuka kó aniwa molwolusheno ndoka halu dhimi unene kuyele.

Sikulimwe manga tandi ongaonga moshipangelo sha Nandjokwe, onde ende lwopegumbo lyameme Raija Salmi nale. Opwa li ongulu yimwe ye eguluka. Onda yi mo nondi itsu uungalo wokwatitha omawi, mbono hau ithanwa melaka lyOshikwiilongo "cassette".

Kamwa li omuntu ethimbo ndyoka nda yi mo, ihe onda dhiladhila ngaa kutya ngiika omuntu oku li popepi, oshoka kapwa li pwa patwa. Ngame meni lyandje ondi itungile nale uugumbo kutya otashi vulika ombelewa ndjika pamwe oyo yaAudio-Visual ndjoka handi uvu.

Sho nda kala mo okathimbo nda tegelela ngo ha longo e ye, onda dhimbulula kutya okwa za po a ya kokule.

Onda zi mo ndi tsikile ondjila yandje. Manga nde ende ko ashike okakako okashona, onda mono omukadhona. Noshipala tashi imemeha oku uhaleke ndje. Onda mu pula edhina lye, naashoka ha longo. Mbalambala oku ulukile ndje mpoka ha longo. Nani oha longo ngaa mongulu moka nda li.



Ndapewa Mupopya

Onda kuutumba nokwoopaleka omuligu gwandje ndi tameke okupopya shoka she endithandje. Onda mu pula kutya ombelewa ndjika iilonga yayo oyashike? Uugumbo wandje mbwiyaka nda li ndi itungila wa tsakana. Okwa yamukula ndje kutya ombelewa oyaAudio-Visual.

Sho nde mu pula wo kutya Audio-Visual otashi ti shike, okwa ti kutya "Okuuva nOkupulakena", ano okuuva ano okuuva nomakutsi noshwo wo poompito dhimwe okutala nomeho goye mwenemwene sho tashi ningwa.

Onda mu indile wo opo a hokololole ndje iilonga ye mombeleva ndjika "Ohandi sile oshimpwiyu oompumbwe dhomagongalo, dhomahangano nosho wo dhoo-sikola". Ohatu ningile wo aantu oohungi (ookino) paindilo ngaashi miigongi yontumba. Onda mu pula ngele ohaa futitha sha uuna ya ningila aantu ookino, ihe okwa ti aantu ohaa umbu owala ongalo pehulilo lyokuulukilwa omafano.

"Uungalo mboka inaa kwata ohatu u landitha pampumbwe, ihe mboka wa kwata ohatu u landitha ku kehe ngoka a hala" osho a yamukula epulo lyandje sho nde mu pula ngele uungalo mboka ohaye u landitha nenge ohaye u fala peni? "Uungalo mbono inaa kwata ohatu landitha R2,60, manga mboka wa kwata hatu u landitha R4.50.

"Otu na wo omashina go kuulika omafano, nomashina ngaka ohatu ga gandja kwaangoka a hala a ka ulu-

kile aantu ookino kuye mwene. Ohatu pula owala R3,00 ngele eshina ndyoka e li longitha iiwike iiyali", osho Ndapewa a ti.

"lilonga ishewe yilwe mombeleva ndjika oyokuyakula aantu mboka ya hala okulanda iinima mbyoka hayi monika moka" osho a tsikile. Okwa tsikile ko wo ta ti ohaa ningi oongalo oompe dhomaimbilo nosho wo dhootundimbimbeli. Okuulukilendje eshina lyokwiindjipaleka uungalo. Okwa ti mesiku eshina ohali vulu okwiindjipaleka uungalo 25.

Okwa gwedha ko ishewe kutya iilonga ye yimwe oyokudhiginina oshiketha shiimaliwa nomambo. Moshitsa she shahugunina shiilonga ye yombeleva okwa ti osho okulongela Kalunga noku kwatha aantu.

Kombinga yepulo kutya uungalo mbono haa indjipaleke ohaye u fala peni, okwa ti kutya ohaye u landitha po.

Okwa ti ngoka e u pumbwa ota vulu okwiimonena mOnandjokwe, kOsikola yaaposi kEngela, ko CDM, kOngwediva, kOshakati, mOstola yomambo mOniipa nokuSakeus Hekandjo, pombelewa yongeleka pOniipa.

## IIKOLITHA OMOODE?

Ikolitha oya ninga omukundu omunene muuyuni mbuka. Moshilongo shika shetu wo omukundu nguka otagu koko ethimbo alihe. Momikunda nomomalukanda gi ili nogi ili, aantu oyendji kaye na we ilonga yilwe yaa shi okunwa iikolitha. Aniwa okukolwa oku li momoode. Naangoka itaa nu, aniwa okwa thigala po noita ende pamwe nethimbo.

Ihe epulo otali ya mbalambala kutya okunwa omoode tuu shili? Nongele eyamkulo oli li eeno, nena oko omoode ya tya ngiini? Sho shene omoode oshinima ihaa shi kwatekeka nongaashi iha shi kalelele. Ashike ohashi shundula nokuyona po aantu puuyelee. Oyendji lokwiilumba noomoode oya kanene mo ashike mudhe.

Oshinima oshikwawo osho shoka kutya ha omoode adhihe tadhi opalele omuntu. Onkee oyendji mokulalakawena omoode oyi iyono po ashike yo yene. Aniwa, "ombedhi aluhe onkelo." Ngele to lalakanene omoode yontumba, nda dhini okutumbula, okuhila omakaya nenge okunwa iikolitha, kala u shi shi kutya ope na lela ompito onene u ninge oshihakanwa shayo! Okuyanda oshiponga manga inoo va mo musho noina shi ku kwata, oshihwepo shi vule okwiyyethela moshiponga ngoye anuwa u ka pangwe. Ikolitha otayi fupipike okukalamwenyo kwoye noomvula 10 sigo 12.

Ikolitha cyo uuvu uudhigu otayi eta eso. Otaku tengene ngwa kutya oopelesenda 10 dhaantu mboka haa nu iikolitha, otaa ka ninga oonkolwi dhodhenedhene. Pamwe ongo ye u li mongundu ndjoka? Aantu ya tya ngaaka, otaa nyengwa lela okweetha po iikolitha kuyo yene okuninga shila taa mona ekwatho lyokwangwa paunamiti woshinanena, ngele taye shi zimine. Ndele nando ongaaka, sho moshilongo shetu epango lyoonkolwi sho li li ngaa shalyo, inaashi ta palwe muuyuni, nena ekwatho lyaantu ya tya ngaaka efupi lela.

Uuvu wiikolitha otau gumu omuntu aguhe, palutu, pandunge pamwenyo nopambepo. Uuwinayi unene wuuvu mbuka wiikolitha ou li mpoka kutya, ngele wa kwata omuntu, nena ethimbo alihe otau koko ashike tau uka komeho nokunamenena po omuntu sigo tau mu fala meso. Unene ngele omunwi gwiikolitha a kwatwa ishewe kuuvu wehuli, shoka hashi holoka olwindji, nena oondohotola itaa vulu okuninga sha kuuvu mboka wehuli omanga omuntu a tya ngaaka inaa etha po okunwa iikolitha. Tashi ti, okunwa iikolitha otaku imbi omuntu a pangwe noku aluke kuuvu kehe mboka tau mu kwata.

Uuwinayi uukwawo wuuvu mbuka wiikolitha, ou li mpoka kutya inaku tseyika natango kutya oshike naanaa hashi ningitha omuntu onkolwe! Epulo ekwawo edhigu olyo ndika kutya, omolwashike aantu yamwe haa vulu okunwa iikolitha ethimbo alihe ngaashi ya hala, ndele itaa kolwa nande. Omunwi oku na okukala ta vulu okwidhidhimikila shoka hashi ithanwa momalaka giidhumo, "ethyl alcohol," oshoka ngele hasho nena ota ka ninga ashike onkolwi yothilu. Omuntu ngele ohe ehamekwa koalkohol ncha kungu ngele a nu unene, nena omuntu a tya ngaaka okwa tuntulwa oku li "immune" ita ka ninga onkolwi. Okunwa ashike inaku gwana, ihe ou na okukala ho kolwa, opo u ninge onkolwi nenge oshikolwadhila.

Kashi na ne mbudhi kutya oshike hashi ningitha omuntu onkolwi, nenge aantu yeni haa vulu okuninga oonkolwi, shoka sha yela osho wala shoka kutya ngoka ha nu oye ngaa e nompito yokuninga onkolwi. Onkee omunelago onngoka ashike ti iyageke okunwa iikolitha thiluthilu. Aniwa: "Omaviinu omusheki, omagongo onakukudhila; nokaku nomuntu ta kolwa kugo, omunandunge! Omayel.201.

## Tu etheni po okutondathana


Oshilonga shokutunga ombili moshilongo shetu nomiilando yetu, otashi tameke mpoka uuna tse twa etha po okutopola aantu moongundu, ongundu yaamboka ye na omadhiladhilo omawanawa nogu uka, nongundu ndjoka yaamboka ye na omadhiladhilo omawinayi ga puka. Ongele ashike tatu zimine nokupitikila omuntu kehe okudhiladhila ngaashi omaiuvu ge taga ti noku mu pa uuthemba wokukala nomwenyo, opo apeke tatu vulu okwiipulila wo tse yene uuthemba wa tya ngaaka. Oohapu ndhika odha popiwa komumbisofi omukuluntu gwOngeleka onkaevaangeli paLuther yomuSoomi, Dr. Mikko Juva, sho a li ta popitha aagundjuka moshituthi shokutunga ombili montanda yimwe muHelsinki pehulilo lyaAguste.

Omumbisofi omukuluntu Juva okwa ti: "Aantu ayehe, aagundjuka nayalwe, oya hala okukalamwenyo okuwanawa. Shika osha kwatelele mo wo uuthemba nampito yomuntu okukala u na ekwatathano ewanawa naantu aakweni, uuthemba wokuhola mukweni, uuthemba nompito yokulonga nokwiitula miilonga mbyoka iiwanawa notayi tungu, uuthemba wokunyanyukilwa nokutyapula uunshitwe u li ngaashi u li nomeya ga yela, uuthemba nompito yokukonga nokuuvitha oshili nuuthemba wokukala neiyuvo lya yela."

"Omapipi agehe, ndyoka lya mona uudhigu wiita nepipi lyaagundjuka yonena, ayehe oye shi shi nawa nkene oshinima shika shi li po oshidhigu komuntu oku shi gwannitha," osho Juva a ti. Okwa ulike wo mpoka kutya; omikundu adhihe - ano ngoka gwiigwana ya putuka noya humakomeho nogwa mbyoka opo yi li metuko nomehumokomeho, omikundu ndhika adhihe ngaashingeyi odha ninga dhuuyuni auhe. Ihe nando ongaaka, omikundu ndhika adhihe otandi vulu okukandulwa po, iigwana yomuuyuni auhe ngele tayi tula uukni kumwe nokuholola ehala ewanawa lyi ikwatelele koowino nokuunongo, shaa ashike aantu

taa pewa ethimbo neidhidhimiko okwiilonga sha komapuko gawo nokukoka ya adhe euvuko lya gwana lyopashikuluntu kutya kape na nande oshigwana shimwe tashi vulu okukala shi na uukolele, omanga omatungilo nomulandu gwiigwana ayihe yomuuyuni inaagu opalekwa."

Omumbisofi omukuluntu okwa ti: "Ihe aantu oye na tuu ethimbo lyokupongolola oshinima shika? Tse otwi itaala kutya kape na omupangeli u uvite ko oshilonga she nokunoshimpwiyu ta ka hinga iita iinenenene. Ihe otatu zimine wo kutya muuyuni mbuka omu udha iikolokolo oyindjiyindji noonkondo oombwinayi mbyoka tayi vulu okunakula mo onkalonawa yuuyuni miikaha



Omumbisofi Mikko Juva

yoanakuniga omatokolo mboka ye noshimpwiyu. Onkee oshilonga kehe shoka tashi taneke ehilathano maantu, osho oshiponga musho shene na kehe ngoka ta yululula ko kehilathano ndika oku shi okupandulwa nokape shi ku kala kape na aantu ya tya ngaaka." osho Juva a ti. Eeno shili, ombili oya kanamekelwa kehalo nokokutompola po sha kwaanententu mokumana po okwauvathana kwawo pamukalo goonkundathana pambili. Shika sho shene otashi u thwa ishewe kuunene nokondjundo yomalimbililathano nenge yeinekelathano pokati koongundu dhaanankondo dhi ili nodhi ili. Oshoka omukalo gwokulongitha oonkundathana (detente) ogwo

Tala kep. 3

# JESUS TI I GALIKANENE

JOH: 17:1-5

Oohapu ndhika otadhi tu longo nkene Jesus ti i galikanene ye mwene koshipala shaHe ta ti: "Tate".

"Tate ethimbo lyeya a dhimitha omumoye, omumoye e ku a dhimithe wo, overse 2 ngaashika ngoye we mu pa epangelo lyonyama ayihe, opo ayehe mboka we mu pa, e ya pe omwenyo gwaaluhe.

Nando oye omuna gwaKalunga, natango ota pumbwa okukala mekwatathano naHe. Oshoka natango oku li kombanda yevi mokati kaantu aaposi, aalunde, naalimbililwi. Aantu ye hole oku ulukilwa omandhindhiliko opo yi itaale shoka te ya lombwele. Onkee medhiladhilohupitho lye ota galikana He e mu adhimithe mokati kaamboka ye mu limbililwa, opo ye mu tseye. Nomwenyo gwaaluhe momuntu ogwo okutseya Jesus Kristus.

Okutseya Jesus osho oshipewa tashi gandjwa kuKalunga mwene. Aantu tu mu tseye oye Kalunga He, manga uuyuni wa li waa ko, notu mu tseye kutya oye Omukulili gwetu, nogwuuyuni auhe ngashi omundohotola MLuther tati: "Oye e tu hupitha na oye a kulila ndje nla li omukani nomugeelwi ye ina kulila ndje noshisiliveli nenge noshingoli aawe, onombinzi ye ondjapuki. Ndi ninge gwe, ndi le-lwe kuye, ndi kale puye, moshilongo she". Onkee Jesus Kristus oku na oshimpwiyu oshinene a hala aamwayina tu mu tseye notu mu itaale tse tu fale oondjo nomayonagulo getu kuye e ga dhime po. Onkee ota galikana. "Oyo ye ku tseye, ongoye Kalunga awike gwashili naanuka we mu tumu Jesus Kristus"

Tala. Jesus oye Kalunga na oye omuna gwaKalunga, ihe ota galikana He e mu pe eyadhimo, noonkondo, oshoka natango oku li mesilu lyomilema dheso, orkee ota pumbwa ethimbo kehe a kale mekwatathano naHe, opo a kale e na oonkondo nomukumo. A sinde omahindo gasatana hage mu hundjunine.

Tse nangoye otatu i galikanene kuKalunga, a adhimithe eitaalo lyetu, oho kongo tuu ekwatathano nOmukulili gwoye megalikano? Oshiholelwa ooshoka twe shi pewa kOmukulili gwetu, oye Kalunga ihe natango ota pumbwa eyambidhidho kuHe, ye ke na nando oondjo dha sha. Okwa hala ethimbo kehe a kale mekwatathano naHe. Omukwetu ou li

tuu mekwatathano nOmukulili gwoye? Oho endathana tuu na ye megalikano? nomokutsakanena naye momasakalamendi ge oaa-yapuki? oho shi ningi tu? Oho kongo tuu edhiminepo lyooondjo dhoye? Owa silwa tuu ohenda ndjika? Konga Omuwa manga ta monika ngoye u mu ithane manga e li popepi nomanga kuna ekathimbo kehupitho Jesus ta ti: Andola nda li inaa ndi longa mokati kawo, iilonga mbiyaka andola ina yi longwa kugulwe, ando kaye na oondjo; ihe ngashingeyi oya mono, noya tonda, otse naTate. Ovelise 24 Joh 15.

Oondjo dhetu nangoye odhili mpoka sho twa mono iilonga yaKalunga mokati ketu notwa tindi okwiitaala, iilonga ye oyini? oyo tuu mbyoka Jesus eyilongo, okwa tumu oohapu dhevangeli muuyuni dhi longwe omuntu kehe nokwa gandja oshipango she kaatumwa tati: — "Noku ya longa okudhiginina ayihe mbika ndeyi mu lombwele Mat.28:20. Mpaka otapa pulwa uudhiginini wiipango yaKalunga. Inashi pumbiwa uuna tu li muudhigu opo ihe tatu matukile kuye, ihe nesiku tu li nawa nenge tu li mayanyu otu na okukala mekwatathano nOmukulili gwetu, unene pethimbo ndika tu li na nena. Kala megalikano, ithana Omukulili gwoye. Egalikano oyo otelefona yomuntu oku popya naKalunga ka kuna we ompani okulonda kegulu opo ando tu kundathane naKalunga oompumbwe dhetu, ihe omegalikano oyemwene okwa ti: "Indileni e ta mu pewa, konkoleni e ta mu egululwa, kongeni e ta mu mono, otwa pewa ompito yatya ngaaka. Nguka he mu ithana oye omudhiginini oye note shi gwanitha wo.

Diak. N. Ngula

## Okutondathana Dha za kep. 2

ashike ompito ombwanawa yokweeta po ombili muuyuni. Molwaashoka, ngele aakriste otaa hepekwa moshilongo shimwe, aakomuniste omoshikwawo shiya nomoshititatu otamu tidhaganwa Aaliberale, ano mboka ya hala iinima yi lunduluke, nena shika itashi kala inaashi hwameka uumbanda mwamboka ye nomadhiladhilo gamwe noonakuhepekwa kombinga onkwawo yuuyuni noku ya tokolitha ya ninge po sha.

# OSHIKE SHA TIWA KUMELBOURNE?

Okudja 1980.05.12-25, muMelbourne oshilando shimwe sho-moilando ya fimana yomuAustralia, edu olo li li koushilo wa-Africa, omwa li mwa ongala ovanhu ve dule 650, va dja keembinga neembinga dounyuni aushe, ova li yo va dja meengeleka di lili nodi lili domounyuni, oshoyo momaludi nomaludi ovashitwa vahapu. Aveshe ova li va shivwa kEhangano lEengeleka mOunyunyuni (WCC). Eengeleka dihapu odo da li ko odi li oilyo mongonga ei, omanga dimwe di li ashike oilyo yOngongahanganano yOvakwaluteri, ngaashi ELOK.

Ekumenikala laMelbourne oli na efina lalo mo 1910, olo la tote-lwe muEdinburgh nenenediladilo: "Okuudifa Evangeli mounyuni mepipi eli". Opa pita Oyongalele ihapu ya shikulafana: PuJerusalem 1928, Tambaram 1938, Whitby 1947, Willingen 1952, Achimota (Chana) 1957-8, Mexico City 1963, Bangkoko 1972-3, muyo omwa kundafanwa

Enenediladilo muMelbourne: "Ouhamba Woye nau uye". Oshiongalele otashi ifanwa: "Oshiongalele shounyuni omolwetimo nokwevangelifa". Eetundimbibeli oda li da ningwa meshikulafano lEindilo lOmwene wetu". Tate yetu meulu.

Takele kougudwena, eengudu edi 4, oda li hadi ongala keshe imwe tai kundafana enenediladilo layo olo la dja mEindilo: "Ouhamba woye nau uye" opo ne pefimbo lonhumba, tai li twala moshiongalele ashishe notali kundafanwa natango keembinga adishe fiyo la itavelwa koshiongalele.

Ouhamba waKalunga otau twala Evaangli kovanhu aveshe mounyuni aushe. Kali na ovatwali vamwe ve lili, vehe fi "ongeleka", ovaifanwa ovo va itavela Kalunga-katatumwe, ongeleka oyo olutu laKristus kombada yedu. Otai wilikwa kOmhepo Iyapuki mokutandavelifa elaka liyenye, fiyo oonyuni aushe wa xula ko, okuuda evangeli.



## Omufita Josia Mufeti omutivali okudja kolulyo pefimbo lshiongalele kuMelbourne

oinenenima moshilonga shokutandavelifa evangeli paenghedi adishe odo tadi dulika, opo omushitwa keshe a mone exupifo lomwenyo waaaushe.

Oshiongalele osha li sha tukulwa meengudu dakula nhe (4), nongudu keshe oya tukulwa mougudu 3-5. Okukonakona Ombibeli oungudu ova li va fika 25. Osha li sha ongala mofikola yokombada moshilando osho.

Ovaenda ova li ve lihanena omaumbo ovanafikola (colleges) nomo va yakulwa ongula nonguloshi, omutenya okofikola.

Ouhamba ou otau fikifwa komunhu keshe, ngee oshipuna ile omufyoona ile ohepele noshidale, omupangeli ile omupangelwa, omupika ile omumanguluki, omufininiki ile omufininikwa, okudja kokaana fiyo okomuxungu, oshimbebe ile ondjolowele. Ovanhu aveshe ova pumbwa Ouhamba waKalunga osheshi oo auke tau va etele ehafo nombili nomwenyo waalushe. Owa holo-ka muJesus Omuvalelwa komushiyakana, Ou e li eteelelo loi-wana aishe.

Tala kep. 4

## Oshike sha tiwa kuMelbourne

### Dha za kep. 3

Oshiongalele shomuMelbourne otashi shivi keshe umwe e uye mouhamba ou. Keshe umwe ou a itavela a hepaulule kutya, Jesus Kristus Oye Omwene nO-muxupifi wounyuni. Oye a holola Ouhamba waKalunga kombada yedu mokati kovanhvu voma-ludi aeshe mounyuni aushe.

Nakuhepaulula eshi paxupi (pamwe komesho ta kalepaleka) ota pandula Kalunga pamwe na ELOK, eshi a li yo a pewa omhito ei a kale nokumone engafifi lakula leembangi dovaitaveli meengeleka di lili nodi lili mounyuni, ovo yo ve li momaudjuu onga ELOK. Shihafifa osheshi kutya, ELOK, ou na ovailikaneni vahapu uhe va shii noi nave ku mona, ndele eshi ve ku udite, otave ku ilikanene efimbo nefimbo. Diinina hano, ino tila. Mat.28:19-20.

Josia Mufeti

## OMUSITA OYE OMUHEKELEKI

### kuM.I.Amadhila

#### etsikilo

OSHIKAKO 3: OMUNTU OKU UVITE A FHINDWA PEVI NOKUNIWE KUUWIKE: Poshikako shika omuntu ou uvite wa thindwa lela pevi, wa hatwa po thiluthilu now ikalekelwa kuyalwe. Nena ou uvite sha fa Kalunga kee ko we, ke mo we megulu lye. Kalunga a fa kee na we nangoye noite ku sile we oshimpwiyu. Pomasiku ga tya ngeaka otu uvite lela kutya kape na nando ngoka a li e na oluhodhi lwa fa ndoka u na.

Eeno, kombinga yimwe naash'ka shi li ngaa mondjila, oshoka kape na nando aantu yaali taa humbata oluhodhi nekanitho shimwe nopamukalo gumwe. Onkene tuu onkalo ndjika ontolithi yokukala u uvite wa dhengwa pevi thiluthilu oshinima hashi adha omuntu kehe.


Onkee uuna tatu iyadha tse yene nenge yalwe monkalo ya tya ngeyi muule wokwaanetegame-no nena natu idhimbuluthe ashike kutya shika osha li shi na okutegelwa aluhe uuna ndoka pwa holoka ekanitho, ehulo lyontumba enene. Onkee euvito lyokuthindilwa pevi nolyuwiwe lya tya ngaaka olyopanormale noli li oshitopolwa sholuhodhi ndoka oluwanawa kaalu na oshiponga sha sha.

### Tala kep. 5

## MELBOURNE OSIKOLA OMBWANAWA

Mokutala ashihe, ngame ondi na efano ewanawa lela lyaMelbourne momadhiladhilo," osho omukuluntutumi Hukka a ti, sho a galuka koshigongi SHETUMO kuMelbourne shAustralia. Oshilonga shetumo osha li lela tashi pangele moshigongi shiyaka, nando oshigongi inashi popya unene oshindji koshilonga shika, ihe unene osha popi kombinga yomudhingoloko moka tamu longwa oshilonga shetumo.

Oshinima shimwe shoka sha li tashi panditha omuntu noonkondo moshigongi shiyaka, osho efano lyuuhepele nuuthigona waantu muuyuni ndyoka lya li lya gandjwa lya yela nawa nolyetu shongashonga noonkondo



Omusamane Alpo Hukka

adhihe," osho Hukka a ti. Mokutalela oshinima shika shuuhepele waakuuyuni muyelele woshilonga shetumo, oshi na oshilonga oshinene lela kutse okutaamba eshongo ndika ongoengeleki nongomukriste oogumwe noogumwe."

Pamukuluntutumi Hukka, kashi shi oshipu okupyopya nokuulika omusinda guuteologi woshigongi shokuMelbourne, oshoka aakwashigongi oya holola omadhiladhilo niitsa yuuteologi ya topoka unene notayi kondjithathana mokukundathana oteema yoshigongi ndjoka ya li: "OSHILO-NGO SHOYE NASHI YE."

Ehwagalalo lya tya ngaaka lymadhiladhilo gopauteologi olya li lya tula oshihako shalyo kuu kwatya wiilonga yoshigongi nowe shi nkundipaleke. Omukuluntutumi Hukka okwa tala kutya oshi na oshilonga oshinene okudhiginina ekwathano nOshikondo shEtumo lyuuyuni nEvaangelitho shOraata yOengeleka muuyuni (WCC), oshoka osho shi li oshilyo shelongelokumwe lyopokati koongeleka muuyuni paveta.

## EFATULULO LA LWF MEKWATAFANO NEHEPAULULO LOKUAUGUSBURG

1. Otwa ongala apa muAugustburg momudo 1980 konima yokudana oshivilo shedimbuluko iEhepaululo lokuAugustburg eshi la wanifa eedula 450 neudo okudja momudo 1530. Otwa hafa eshi Ehepaululo lokuAugustburg alishe ngashi li li tali koleke no-kweeta pouyelele etumwalaka linene lOmanyolo Mayapuki.

Otwe lilongulula vali nokushambukilwa ouyamba unene wefyuululo ou fye atushe tu u na motikumwe notwa koneka nghe-ne sha pumbiwa neenghono oku li konakona mouyelele womilandu neenghedi dongeleka dimwe. Nonando kali shi onghe-ndabala ya wana po yokufatulula moule eitavelo lovakriste, onghene tuu Ehepaululo lokuAugustburg ola hala okuholola pouyelele eudeko la yela levaangeli. Olo Ehepaululo leitavelo olo tali mangele kumwe eengeleka adishe eenghwaLuthr mounyuni, puhe na ondjoolola yokutya ongeleki oi na ounene u fike peni, omifyuululwakalo ile omundigonoko wayo.

2. Omwene umwe, eitavelo limwe, Kalunga umwe He yaave-she ..." Ef.4:5, eli olo Ehepaululo olo fye atushe hatu li tumbula nehafo. Mokuholola elitulemo letu mEhepaululo lokuAugustburg oshe tu yeleta nawa kutya Ehepaululo eli otali pula shili tu kondjele nokupopila oukumwe wongeleki. Otwa shiiva yo ounghundi wetu oo luhapu hau tu imbi okuholola oukumwe womevaangeli mehanganano loyapuki. Panena Ehepaululo eli otali shivi eengeleka adishe eenghwaLuther di li konakone di itale nawa nokulidilulula. Ohatu ilikana opo Omhepo Iyapuki i tu ninge vape.

3. Fye otwa dimbuluka omutamwehepaululo lokuAugustburg nohatu koleke pamwe nalo kutya omahepaululo eitavelo lovakriste aveshé otaa hepaulula eitavelo letu limwe okudja pehovelolela lOngeleka. Nolupandu linene fye otwa didilika kutya omupapa Johannes Paulus 11 okwa yandja omakundo aye pefimbo loshivilo shokudimbuluka Ehepaululo lokuAugustburg eshi la wanifa eedula 450. Mekundo eli omwa hololwa eenghendabala dovateolohi Ovakatoolika okuninga ekonakono lipe mekwatafano noukumwe wongeleka aishe yaave-she.Ohatu tumbula yo nolupandu linene kutya mokulonga kumwe nokangudulongekidi koukumwe wOvakatoolika kaRoma nO-

vakwaluther, efatululo ola ningwa mekwatafano nelalakano nounene wEhepaululo lokuAugustburg. Efatululo eli otali holola kutya omwa monika shihapu osho tashi popi kutya eitavelo letu limwe.

4. Fye ohatu pandula unene yo ovamwatate ovalumenhu novakainhu vomeengeleka dimwe, dimwe domudo tu li nafe meenghundafana nado nadimwe otu li pokuya nado meenghundafana, unene keemwammengeleka odo da dja mEyelifoitavelo, ohatu holola enyaku letu omolwoukumwe ou tu una meitavelo letu limwe. Ohatu koleke eudafano letu lopamakanghameno nolongeleki oonghwaReforomi meudeko lomakanghameno evaangeli; eudafano lokuLeuenberg olo limwe tali koleke oshinima eshi. Otwa hafa eshi tu na oukumwe nongeleka yAngilikana.

Otu udite yo ombili kehoveloleenghundafana pokati ketu neengeleka dOvakatoolika kaGreka (orthodox) odo tu na pamwe omahepaululo eitavelo amwe nomifyuululwakalo odo twa fyulula kootatekulu ovo va li ko pehovelolelongeleka. Momkwatafano aa aeshe otatu koneke omayooloko etu makulu notu wete yo oo e li po natango, ndee otu na eteelelo eshi twa kuf: eenghatu dihapu mokweenda pamwe okuuka komesho.

Noluhodi otwa koneka kutya omapangulo onhumba oo e li mehepaululo eli taa pangula nokweelashi omadiladilo onhumba oo ali enuwe nale kuvamwe pefimbo lEyelifo lEitavelo okwa ehameka nokuvalula ovanhu vamwe. Otwa didilika kutya amwe omomadiladilo aa kae mo vali meengeleka odo pamukalo ngashi a li mo pefimbo linya notu na eteelelo kutya omayooloko aa e li po natango otaa ka dula okukandulwa po. Ohatu ilikana Jesus Kristus oo e tu mangulula nohatu shivi eengeleka daye di hafele pamwe nafye mefyuululo eli letu Ovakwaluther. Onghalo oyo tu li muyo itai pitika omunhu a kale e na omhepo yeitumbaleko ongao a findana.

5. Fye otwa hala okushiva ovamwatate aveshé vomeitavelo kutya: "Fyeni itatu dulu nande okweefafana." Nande ondjila yokufika moukumwe oi na oipundukifi ihapu noinene, fye otwa itavela kutya otwa ya kokule noshinima shoukumwe nohatu dulu nokuli okukatuka eenghatu

### Tala kep. 5





## Natango ovatumwa vOiwanahangano

Epangelo laSouth Africa ola hovela nale okukonakona omukanda mupe wa Dr.Kurt Waldheim, Hamushangandjai wOiwanahangano oo va shange- lwa paife.

Omukanda ou tau twikile neen- nghundafana mekwatafano no- shipa shaNamibia, oo enya- mukulo kombapila yaxuuninwa oyo oministeri yoinima yopo- ndje yaSouth Africa, Pik Botha a li ei mu shangela meti 30 la- Aguste 1980.

Momukanda waye omushamane Pik Botha okwa vilikila neen- ghono adishe Oiwanahangano kutya vati oya ama unene o- mbinga imwe mokweendifa kwayo oshinima shonakwiwa yaNamibia.

Omukanda ou wenyamukulo la- ye, Dr. Waldheim okwe u ya- ndjele kuRiaan Eksteen, omu- kalelipo waSouth Africa kOiwanahangano.

Pamukanda ou, Dr. Waldheim okwa diladila vati okutuma na- tango osheendo shovakalelipo vaye kuSouth Africa nokuNa- mibia. Eshi osho onghendaba- la imwe natango vali yokumana po omukundu woshilongo e shi, mokundafana omima ovo ve li po natango va ninga enda- ngalati mondjila yemanguluko laNamibia.

Osheendo eshi vati otashi ka kala mewiliko lahamushanga wopedu omukwafeli waWald- heim moinima yowina yopapolo- lotika, omushamane Brian Urpuhard. Pamwe naye otape ke uya ava tava landula; Abby Farah, Prem Chand, Omayad, Muganda, Martti Ahtisaari na- Cedric Thornberry.

Moule woiwike ivali oyo ya dja ko, Dr. Waldheim okwa ninga eenghundafana nomapa- ngelo oilongo itano yokOutoke- o oyo ye li pyakidila nomuku- ndu waNamibia. Okwa shake- nene yo meenghundafana nova- kalelipo voilongo 6 yovalaule yopoushiinda.

Vati mokati kovatumwakalelipo voilongo yokOutokelo kOiwana- hangano omu na eliodo kutya elongekido lehololo metonatelo IOiwanahangano muNamibia inali fikamenwa vali moshipala komauudju manene ngaashi sha kala. Osho shi li po paife, vati oshinima ashike shelineekelafa- no.

Osheendo shi osha teelwa pe- xulilo lohani ei, hano okudja efiku eti 20-27 laOktoba 1980.

## NGOLONEYA-NDJAYI OMUPE

Omusomane D.J.Hough, oshi- lyo shOkangundu okapitithi ka- Transvaal, okwa ulikwa kepa- ngelo lyaSouth Africa a ninge Ngo'oneya-nljayi omupe gwa- Namibia. Daniel Hough okwa tameka oshilongo shika eti 7 Oktoba 1980.

Moshilonga shika, Hough okwa landula dr. Gerrit Viljoen ngo- ka a shuna kuSouth Africa, ho- ka a ka taamba oshilonga o- shipe shokukala oministeli ye- longo lyopashigwana, ano elo- ngo lyaatiligane. Dr. Viljoen okwa taamba oshilonga shika oshipe mesiku 7 Oktoba 1980.

Omusamane Hough okwa ho- gololelwe a ninge oshilyo shO- kangundupitithi kaTransvaal 1974. Okwa kala omunashi- mpwiwu shoondjila nomapange- lo gopaitopolwa nenge pamiku- nda. Omusamane Hough oku li pethimbo lyiilonga lela, okwa hokana noku na aanona yane.

## NAMIBIA NENA

Omukundu gwoshilongo shetu Namibia mekwatatha- no nemanguluko lyasho o- nkee ngaa tagu kwayenge- lwa nagwo. Aatseyi yopolo- tika oyendji oya holola oma- dhiladhilo gawo kombinga yaashoka sha pumbiwa o- kuningwa, opo omukundu nguka gu kandulwe po pa- mukalo gwombili. Yamwe oye shi ningi miipopiwa ya- wo, nooyakwawo oye shi ningi miinyolwa yawo. Gu- mwe gwomaatseyi yopolo- tika yeve ndika a tya ngaaka oye Dr. Gerhard Töttemeyer, gwokoUniversity yaStellen- bosch, kuSouth Africa.

Omuprofesori Töttemeyer o- kwa nyola nokuli omambo gaali taga popi evi ndika, ehistolilalyo nonakuyiwa yalyo. Petameko lyaMai nu- mvo, omusamane Tötteme- yer, okwa hololele omadhi- ladhilo ge mekwatathanona- Namibia nonakuyiwa yalyo, moshifo shedhina "Rand Daily Mail" shaJohannes- burg. Oshinyolwa shika o- sha li sha nyanyangidhwa kiifo yimwe yomoshilongo ngaashi, The Windhoek Observer na The Namibia Review. Otatu tula mpaka pafupi shoka omusamane

Töttemeyer ta ti koshinima shemanguluko nonakuyiwa yaNamibia.

**DTA -yamwe naMuzorewa:** Konima yoomvula mbali ashike, aalanduli yoshinima shaNamibia oya li yu uvite lela kutya oshilongo shika osho tashi manguluka tango kuZimbabwe. Shika inashi ningwa nokape na wo na- naa natango sha shoka tashi ulike kutya Namibia otaka mona emanguluko mbala.

Omategameno oge li po ta- ga kana, ngele South Africa nligwanahangano otaa ka adha tuu etsokumwe okutu- la oshitokolitho 435, miilonga. Muyelele wonkalo yatya ngeyi, osha pumbiwa kutalululwe natango nawa ombepo yuupolotika ndjoka tayi inyenge moshilongo, ngashingeyi nopamukalo gu- ni tayi opalele (nenge itaayi opalele) okuthika metsoku- mwe pokati koongundu ndhoka tadhi kondjithathana nokuthikitha oshilongo me- manguluko pambili.

Ondjundo yesindano lyaMu- gabe mehogololo muZimba- bwe nemanguluko lyoshilo- ngo she, momoho gAanami- mibia nomonkalo yomuNa- mibia kayi shi nando okudhi- nwa.

Oshi ifatula mo nawa sha yela kutya iigwana yuuyuni otayi ka thiminika neitulo- mo ku adhike mbala eka- ndulopo lyomukundu gwa- Namibia ndyoka tali opalele.

Osho wo kutya iilongo yo- puushiinda (front line sta- tes) omolwomatompelo go- pamahupilo, gopapolotika nogopaukwita, otashi vulika tayi ka ninga oshindji mo- shinima shika.

Konima yokwaadha esinda- no moshinima shaZimba- bwe, iilongo yopuushiinda oyi li po yi inekela ngashi- ngeyi noyu uvite kutya nani otayi vulu okutompola sha mokulongitha oonkundatha- na okukandula po wo omu- kundu gwaNamibia.

Esindano lyaMugabe oye endeleeleke, oshinima sho- kulalakanena elunduluko e- nene nekukuto lyomadhila- dhilo (polarization) muNa- mibia, nonando ope na wo ngaa omayooloko.

Otaku popiwa nokuludhika kutya oDTA, oya kala ethi- mbo ele tayi longo iilonga yomungunda muNamibia yi vule mbyoka Muzorewa no- ngundu ye ya li ya longo muZimbabwe. Mokutala ko- nima methimbo lyoomvula dhimwe ndhoka dha piti, uuwinayi nuwanawa waa- shoka she etwa po koDTA, mokulonga kwayo otau vulu okundjandjukununwa mo nawalela e tau tulwa puu- yelele

Kombinga yuwanawa waa- shoka sha ningwa po ko- DTA otashi vulika ngiika ku tumbulwe kutya oDTA, oya ninga po sha pethimbo lyo- pokati, unene mokukutha po ooveta dhokatongotongo.

Oya kambadhala okuholola po onkalelipongundu, nosho wo kutya oya etitha po ekwatathano monkalathano neuvoko lyopolotika.

Oshitsa shoka shahugunina otashi vulika ku ulikwe ku- tya osha pilukila oDTA, no- she eta iiyimati yilwe yi ili yaa shi mbyoka kwa li ya tegelelwa okuza petameko.

Ehwameko lyeuveko lyopo- lotika maantu, unene maa- ludhe, ndyoka lya kwathe- lwa nolya tanekwa kiilonga yoDTA, inayi ya uvitha ko ashike uthemba wawo wo- papolotika mboka ye na, ihe oshe ya ulukile wo oma- kambelo goDTA naashoka wo kutya nani DTA haye awike ongundu yi shi ku ta- lwa ndele ope na wo ngaa oonkwawo dhilwe.

Nokuli nuuna oDTA kaayi po we, nompito yayo yoku- kala po ongongundu yopa- polotika yomungunda me- thimbo ndyoka tali tetekele emanguluko ndyoka lili me- tonatelo lyiligwanahangano, naunene konima yemangu- luko onshona lela. Onkene tuu itashi ka ludhikwa na- ndo kutya oya longa ngaa oshilonga shayo pethimbo ndyoka lyopokati. Ashike oshilonga shoka ya longo hasho nando shoka ya li ya tegelela sho ya tameke.

Omanyenyeto oga shike a- no oongundu dhopolotika

Tala kep.8

## NAMIBIA NENA

### Dha za kep. 7

dhaaludhe ndhoka tadhi kondjitha oDTA, dhi ga na mekwatathano nayo? ODTA oya kakatela kuupolitika wokutopagula aantu pami-hoko naashoka osha talwa ongonkambadhala yokutsi-kila omulandu gwomavigu-mbo gwepangelo IyaSouth Africa monguwi. Aakalelipo yomihoko dhi ili nodhi ili moDTA inaa talwa komihoko dhawo ongaakalelipo yawo shili. Ongundu ndjika oya talwa kutya otayi longo ongoshilongitho shaSouth Africa, onkee oyi lwetike kutya otaayi longele kumwe naatiligane, mboka ye li aakalelipo yaSouth Africa miinima yomahupilo noyopapolitika.

Osho wo, shoka sha zi moshigongi shopashigwana, oDTA, oye eta po omalunduluko golela omashona unene okutompela ando aantu uukwashili wayo. Na unene omakankameno niilonga yayo miinima yopamahupilo noyopapolitika oyi na unene omakambelo ogendji.

- Omalimbililo oga penduthilwa wo maantu kutya oDTA oya hala tuu shili okukutha po ooveta dhokatongotongo mokulongitha oshigongi shopashigwana, unene sho okatongotongo ke li po natango taka longithwa meendathano pokati komutiligane nomuluudhe li na natango oshindjishindji sha kambela po.

Uukwaveta woshigongi shopashigwana, ongongundu ndjoka yi li po pahalo lyoshigwana ou li po tau ipulwa.

Moongundumpilameno dhaaludhe, oshilonga sha Mudge moDTA oshi li po kashona nakashona tashi yelekwa naashoka shaJan Smith, kwa li muRhodesia.

- Omusamane Mudge wo ye mwene, hamolwaasho ashike oye ta ti pii moDTA, okwa talwa ongomuntu ngoka u uvite ko ondjundo neulumo lyonkalo yomeni lyoshilongo nota longo oshilonga shoka shina ngaa uuwanawa wontumba, ihe oshilonga she otashi talika kutya osha ngambekelwa meni lyonkalo yongashingeyi, ndjoka yethimbo lyopokati noinashi tuulunga mo nando shi ye sigo omomulandu o-

mupe ngoka tagu lalakane-nwa gu ka kale moNamibia konima yehogololo ndyoka li li metonatelo lyiligwanahangano.

Mudge ye mwene oku shi shi nawa kutya, aatiligane mboka ya gama kuye otaye ke mu gamuka nuupu ngele te endebele unene okuninga omalanduluko ga kwata miiti. Nonando ope na omato mpelo kutya, ye i ta vulu okuhanganitha omwaalu omunene gwaatiligane mongundu ye yoRepublican Party, ya game ando kuye mehogololo lyopamuhoko Iyaatiligane, onkene tuu ye ongomunapolitika omukulu e na oowino dhiinima, oshe mu yelela nawa kutya, oshinima sha tya ngaaka otashi vulu okungambeka ondjundo ye moonkundathana dhiinima nokwiinikelwa kwe mo DTA sho e li po ngaaka omukalelipo gwaatiligane.

Omupya omunene ogu li mpoka sho, manga aaludhe ye li po taa pula pu ningwe omalunduluko omanenene, iiningwanima yomoZimbabwe, kayi shi ku dhinwa mpaka, elunduluko ekwawo oye ya po mokati kaatiligane sho yamwe yomuyo taa holola ehala lyokupopila shoka sha kala po nale mokugama koongundu Aktur na HNP. Shika oshi li po tashi nenepoke omusa pokati kaatiligane naaludhe muNamibia.

(Taku tsikilwa)


### Oudu wondjala

#### Dha za kep. 6

ash ke omitumba meembelewa. Omikifi edi ohadi wilalaleke ovanhu nokukanififa ehala lokulya, nomunhu ita dula okulya nawa nande okulya oyo i li.

Osha yela okuhamona epalulo la wana kau fi omukifi wopauamiti. Inatu teelega tu ka mone eepela dokuuhakula ile etunhilo lokuukelela. Ashike eshi itashi ti nee oshikandjo shoukalinawa kashi na mo sha mokukondjifa omukifi ou. Ndee otashi pondolasha ashike nge tashi longo pamwe nexumifokomesho moshwana, mokuninga eeprograma, ndee onge nee sha longekidwa nawa noshi na eedjo da wana.

Ekandulepo lomukundu otali pula ewapaleko la kwata moiti pefina loupyakadi woo vene. Otashi pula etamununo mouhapu nomomungo woikulya na unene okufya oshisho kutya ovanhu ovo ve li momhumbwe ove na omhito okumona ile okulanda okulya ei. Oukalinawa unene kombinga yee ndja oshisho shomunhu keshe, mwa kwatelelwa yo ovo ve li momhumbwe, noikandjo aisho. Hano kashi fi oshisho shoalongi moshikandjo shoukalinawa aveke.



## E TU THIGI PO

Omusamane Andreas, omuna gwilitula yilyambo na yina Namukuwa gwaAmwaama, okwe tu thigi po 11/6/1980 moshipangelo shEtumo mOnandjokwe. Nakusa Andreas okwa valwa 1897, mEtilyasa mOngandjera. Omo wo a sikola osikola yeshasho, ye ta kolekelwa mOkahao.

Momumvo 1929, okwa taamba eithano lyOmuwa nokwa thigi po uusitangombe waandjahe mboka kwa li e hole noonkondo nokwa ka tameka osikola yuulongi kOniipa.

Sho a piti 1931, okwa langekwa mEtilyasa nokwa longo pamwe nomulongi (naye wo nakusa ngaashingeyi) Jeremia Ekandjo. Momumvo 1938, Omulongi Itula okwa langekwa kOshukwa, osinagoga megongalo IyaKahao pehala mpoka a longo po sigo 1979 sho a pewa manga evululuko omolwuunkundi wolutu wa tameke.

Uupenda we moshilonga she owa hokololwa koyendji peso lye. Ohole ye okuhola aantu ayehe okwe yi kumagidhile oonakudhigala nomwenyo ye yi dhiginine.

Komutekulu gwe omupangi Anna Amadhila okwa ti; "Ino tala omudhigoloko gwoye mwene, moku yakula aantu ya Kalunga ino kala nokayoya. "Shika osho ekumagidho kwaayehe mboka twa thigala nolutu.

Okwa thigi ko omukulukadhi gwe, oyana 7 naatekulu 31. Omuwa na hekeleke oonakuthigwa po ayehe. Ananias lita

## ASHISHE OSHI NEFIMBO LASHO

Efimbo lokudalwa nefimbo lokufya. Efimbo lokuhanauna po, nefimbo lokutungu. Efimbo lokulila nefimbo lokuyola, efimbo lokukema nefimbo lokutanha nehafo.

Efimbo lokuhola nefimbo lokutonda. Efimbo lolwoodi nefimbo lombili.

## Efelo IyaMboola nOmundohotola gwegala

### Ya yi keवलुलुको

Mbaka taa popiwa mpaka oyo aatamwa Aasoomi mboka ya longo nale mOwambo. Meme Anni Nieminen (efelo IyaMboola) nakuku Aino Soini (onundohotola gwegala).

Efelo IyaMboola (Anni Nieminen) okwa li a longo mOnandjokwe okuza 1929-1935, no sho wo omumvo 1947-1953. Kalunga okwe mu zimbula eti 5/8/1980, moondjenda dhe dhokombanda yeve. Omusamane gwe Mboola, okwe mu teetekele nale muukwaaluhe.

Omundohotola gwegala (Aino Soini), naye wo okwa li a longo kOnandjokwe okuza 1938-1947. Okwa li omundohotola omutitatu a landula oondohotola yopetameko, ano omundohotola gwotango okwa li Selma Rainio, nomutiyali oAnni Melander, oyo omundohotola gwegala a landula ko sho Melander a tumwa kOkavango.

Aawambo oye mu luku omundohotola gwegala molwaasho okwa li e hole okuzala egala. Okwa mana oondjenda dhe eti 26/8/1980. Okwa li a longo mOwambo uule womimvo 9, inaa shuna pokati, omolu iita mbyeka ya I muEuropa.

## OMUKWETU

Oye oshifo shOngeleka Onkwaevangeli paLuther yomOwambokavango.

Oha nyanyangidhwa mOshinyanyangidho shOngeleka mOniipa.

Omukuluntu gwoshifo omumbisofi dr Kleopas Dumeni.

Ondando yOmukwetu komumvo muAfrika R 2-60. kombanda yomafuta R 5-00

Omambesiteko pamwe noondando naga tumwe kOmukwetu Oniipa, P/B. 2013

Ondangwa 9000

EV. LUTH. OWAMBOKAVANGO CHURCH PRESS ONIIPA P/BAG 2013 ONDANGWA 9000